

مؤسسی : ابن السری
مصطفی نامق

مدیری : ابن السری
احمد جودت

آشیان

ادبی ، علمی ، سیاسی ، اجتماعی ، فنی ، اخلاقی هفتہ لک مجموعہ در

پنجشنبہ

برنجی جلد

نومرو ۷

برنجی سنہ

۲۶ رمضان ۱۳۲۶

۹ تشرین اول ۱۳۲۴

استانبول

محل ادارہ سی : جفال اوغلانده دائرہ مخصوصہ

مطبوعہ عامرہ

۱۳۲۴



ایشسز قالمیرنی، مؤسسات خیریه اداره لرینه بار اولمیرنی انتاج ایتمشدر.
 بنساءً علی ذلك دو قور بوورنغ ك خیال لرینه رغماً فقر و هذات انكلیتره ده
 تناقص ایتمه مشدر. بالعكس ایشسز لر کروهی ارباب حكوتی اندیشناك ایده جك
 درجه ده تزايد ایتكه در. (۱۹۰۶) ده فقیرلر و ایشسز لر ۹۲۶,۰۰۰ كشی به بالغ
 اولقده ایدی كه بیوك بریتانیا نفوس عمومیه سندن تقریباً یوزده یكری بشی دیمكدر.
 بر طرفنزه هر کون تزايد ایدن مهاجرت وار. اودرجه ده كه ۱۹۰۱ سنه سنده
 ۲۸۸ ملیون فراق صرف ایدن اعانه خیریه اداره سی ۱۹۰۶ ده ۳۵۸ ملیون
 فضله صرفه مجبور اولمشدر. یعنی بش سنده یتش ملیون فراق فضله مصرف..
 هم ده بومصرفك تناقض ایده چکنه دائر هیچ بر امید و علامت ده یوق..
 خلاصه سربستی مبادلاتك تطبیقندن صکره انکلیتره ده خرسزاق صنعتك
 کار بر اقدینی صورت رسمیه ده اثبات ایتك ممکن دکدر، ظنده یز. اکر بوبله
 اولسه ایدی بو آطه دن اوروپای بری یه وقوع بولان یان کسجیلر اخراجانی
 تناقص ایدردی.
 بونك کبی انکلیتره حبس خانهلرینك بوشال دینی وبالذات دو قورنك ساکن اولدینی
 قانونده بر چوق حبس خانهلرک قاپاندینی و بومؤسسات مدیرلرینک برلری
 و غاردیانلری نه ایله اشغال ایده چکارینی، بیلدکری ده محترم دو قوردن بشقه
 کیسه دن ایشیدامه مشدر.

عینی زاره من تحمیل



سرسری یهودی

— قلب شکسته مؤلفده —

عصای غربتی آلمش، علیل و بی درمان
 عصرلرک طولاشیر بر اینیدر .. مجروح .
 خیده قامتی اوستنده آلتی بیک سنه لک

مصائبی ییغیلان بر خیالدر . . ذیروح . .

سفید لویه سی برهاله منیر کبی
نجیب چهره سینه سایه ابد صالمش ؛
وقور جبهه سی بر ذروه اثیر کبی
اوقارلی شاهقه لردن بر احتشام آلمش . .

کلیر صماخنه کاهی صغیر استنزا ،
اوکنده طالع لیر صانکه صفحه غبرا . .
دوشر دوشر قانایان توزلو نورلو چهره سینه
کلیر قونار آجی بر خنده مالال ینه . .
گاه بر ضربه تحکمه
قیریلیر شاهبال امیددی .
گاه بر نظره ترجمه
جانانیر قلب و روح نومیدی . .

طولاشیر سرسری دوراندر
آغلایور صانکه روح دربدری
ازلی بر رباب نالاندر
روح اعصار ایچنده کریدلری . .

آه قلبنده فیشقیران وصیزان
آتشین قانلی منبع آلام
بر لهیب ملالدر سوزان
قاینایور دیده ترنده مدام .
پیرتیلوب سینه سفالتی آه
قانلی طیرناقلریله ایامک ،
قالدی عریان، علیل . . بر کراه
هیکل شومی صانکه آلامک . .

معلولدر اوت فقط آسوده روح وقلب
برغایه خیاله قوشار بویله پرهوس . .
چارپار جین صافنه بر صرصر غصب
قایار پنده سیل خروشان کین و غیظ . .

لیل دهور ایچنده ایکن رهرو ظلام
برجوبی نهاییه دالمش نظرلری
هرخطوة ضعیفی تشجیع ایدر مدام
آئی آدمیتک افق مقدری . .

کیمدر کیمک بو وجه هر میوش و غمغمون ؟
کیمدر بوسالیده هیولای بی فتور ؟
کیمدر عجب بو هیکیل آزرده شئون ؟
کیمدر بو پیک حزن و الم پیک بمحضور ؟

سنسک اوت اوپیک درخشان و مضطرب !
سنسک اوت بو هیکیل آزرده دهور !
سنسک بوسالیده هیولای بی نصیب . .
ای شاعر ایشته سنسک اوسیمای بمحضور !

ایساره فرمرا



تاریخ و کلیات علوم

علومده منفعتپرستلک

چوق کیمسه لر علومده بویوک بر منفعتپرستلک التزام ایدر . طوغری بدن طوغری یه
تطبیقاته مستعد اولمیان حقایق و نظریات علمییه دن بحث ایدلکجه « نهیه یارار ! »
دیرلر . بونلرک نظرنده علومک غایه سی تطبیقاتدن و تأمین منفعتدن عبارتدر ؛
بوغاییده متوجه اولمیان — تطبیقاته مستعد بولنمیان — حقایق و نظریات ایله
اشتغال ایتک عبئدر .